

YO PEZI YO ÊRÊ YE JÑABIZHI

Ne jñaa **Ley Federal nujye tr'ezi jmich'a ñe ye jñabizhi** kja in **jyaxí 256**, mama pjeko ra ts'a yo êrê ye jñabizhi; para:

- Ra dyêrê e jñaa yo mama jango ga zonî ye bezo, ye arkate, jango ga mimi ñe kjok'o ngeje ye jñiñi yo xi jñaji.
- Ra dyêrê jñaa jango ra mamaji nrexe yo ri peziji ñeje nrexe ye jñaa yo mama nre daja ye b'ezo ñe yo jñaji ngekua a kjanî ra mimiji na joo ñe k'î nrexketsiji ra cheji.
- K'î nujye b'ezo yo pezi d'a jñabizhi o d'a jñajmich'a dya ra mama e jñaa yo poo k'î ra cheb'i k'î jaa bejmi. Ra mamaji k'î jaa be'jmi nujye jñaa ma nujye b'ezo yo pezi d'a jñajmich'a o d'a jñabizhi ma nujyo jñaa mama na joo nu jñaa nu na nêdê ñe s'onî yo mama ma ngeje a kjanî k'î nujna o ngotr'î d'a b'ezo, pje nujya dya ra mbara ye tee yo êrê nujna. nu jñaa nu mama yo na joo, nujyo pezi nujya jñabizhi ñe jñajmich'a ra mama na joo yo ja so'o ra mama ñe kjo b'ejmi nrexe nujya jango ja jñiñi kja ye jyaxu;
- K'î ra ts'okîji ye jñaa jango ga jñiñi kja ne xiskuama, ñ era mamaji ma nujya ra potuji, ñe xi mi ra mamaji kjoko so'o ra dyêrê nujya.
- Ra so'o k'î nujyo nre ra dyorî ne jñaa ma angeze mama k'î dya bejmi yo mama yo nre;
- K'î nrexe ye jñaa ñeje ye jmich'a nre ra cheji ma pedye jango ga mama ne xiskuama, ñe jango pedye yo po'o;
- Ma ra mbedye ye jñaa kja ye jñabizhi nujya dya ra ts'aa o ra mama e wuenchi k'î kja k'î ra juejme ye tee, ga kja jango mimiji, nu jñaji, k'o bezo o nrixu, nu nitsiji jango paa, nujyo mama ma ga jñaa, o ma ne ra tsiya d'a nrixu o d'a bezo so ri ngeje nrixu k'o nrixu o b'ezo kjo b'ezo, o ma a chujfi o daño jñaa yo kja'a wuench'i nujyo k'a k'î s'obî ye tee o daño yo pjoñi ye tee;
- Ra mborî yo mama ye jñaa k'î pjoñi ye tee, nujye ts'itr'i ra pjoñi, k'î nre ra cheji b'ezo ñe e nrixu dya ra kjaji s'obî, ñe;
- Yo nre yo mama ye jñaa yo pjoñi k'î ra maimi na joo ye tee.

Ximi, jango ga mama ne **yaxu 258** nujne jñaa ye jñajmicha ñe ye jñabizhi, yo êrê nujya pe pezi d'a nsijeme pezi k'î ra mborî nujye jñaa:

- Nujya ra mbezi yo jñaji k'î ra mbedye e yaxu yo mama pjeko na mamaji, ra yecheji jñangich'a ñe yo jñaa ma ñomî in dyee ma nujyo janrra o êrê dya êrê na joo. Nujya pez k'î ra mbezi d'aja jñaa yo pedye pama pama jango janrra o êrê na punkjî ye tee;
- K'î ra mamaji pekjo so'o ra ts'aa nrexe ye b'ezo, yo para ñe jango ga pepji, ximi a kjanî k'î ra dyêtêji ñ era mborî;
- K'î ra mbezi nrexe ye jñaa ngekua ma ra mama k'î b'îb'î e jñaa yo dya bejmi ra so'o ra mama, jago gue jñaji ñe nrexe yo mama k'î na joo jango ga mama yo nre ya b'ezo, ximi a kjanî k'î nujya dya ra ts'aa wuench'i un b'ezo ni in ts'aja d'a jñabizhi o jñajmich'a,
- K'î ximi a kjanî ra mbezi jango ra mapjî o jango ra nuu nrexe yo pedye ye jñabizhi o ye jñajmich'a nujye b'ezo yo pezi d'a nsijeme o dya êrê ma joo.